

Տ. ՄԱՂԱՔԻԱ ԱՐԵՂԱ ԱՄԻՐՅԱՆ

ԿԱՐԻՆ ՔԱՂԱՔԻ ՆՇԱՆԱՎՈՐ ՎԱՆՔԵՐԸ

Ա) ԿԱՐԻՆԻ ՄԻԱԲԱՆ ՍՈՒՐԲ ԱՍՏՎԱԾԱԾՆԻ ՏԱՃԱՐԸ

Կարին քաղաքն ունեցել է մի հռչակավոր վանք՝ Միաբան սուրբ Աստվածածնի անունով: Նակոր քահանա Կարնեցին գրում է, որ վանքը հիմնադրել է Մեսրոպ Մաշտոցը, եւ կառուցել ու շենացրել են Դավիթ Անհաղթն ու Մովսես Քերթովը. «եւ եղև սուգ մեծ ազգիս Նայոց, որ մնաց Ա(1) եկեղեցի պարսպեն ի դուրս, գոր հիմնարկեալ է Մեսրոպայ վարդապետին եւ շինեալ է ձեռամբ Դաւթայ Անյաղթէն եւ Մովսէսէ Քերթովէն, անուն սրբոյիոյ Աստուածածնին»¹: Այնուհետեւ Նակոր Կարնեցին նկարագրում է, թե ինչպես իր օրերում քաղաքը ենթարկվում է կողոպուտի, սակայն գողերը հետո բռնվում են ու չարաչար պատժվում: Այս նկարագրությունից հետո հեղինակը գրում է, որ այդ դեպքերը պեղի են ունեցել 1653թ., որից հետո քաղաքը վերանորոգվել ու բարեգարդվել է Կարին քաղաքի առաջնորդ Սարգիս վարդապետի կողմից. «Այս եղև ի թուականութեանն Ս. Էջմիածնայ Տեառն Փիլիպպոսի երիցս երանեալ կաթողիկոսին եւ առաջնորդութեան Կարնոյ քաղաքիս Սարգիս վարդապետին, որ բազում շինուածով զարդարեաց զվանքս մեր. զարդարեսցէ Տէր Աստուած զհոգի նորա երկնային լուսովն, ամէն»²:

Իր չափերով փոքր, սակայն ամրակուռ այս եկեղեցին քաղաքի դարերի հուշարձան է: Գոյարեւելով, հասել է մինչեւ 1914-1915թթ.: Ամուր հիմքերով ու հասարակածի պարսպով կառուցված եկեղեցին ունեցել է սրածայր ու անկյունավոր քանիք՝ ամրակուռ շինությամբ: Եկեղեցու վերաբերյալ վաղ շրջանից որեւէ արձանագրություն չի պահպանվել, սակայն իր հնադարյան քանդակազարդությունը ու գործած խոր քարակերտությունն ինքնին վկայում են, որ քաղաքն ամենից հին ճարտարապետական կառույցն է պարսկական Կարին քաղաքի՝ նրա զարդն ու հիասքանչ կոթողը թե՛ որպես պարսկական հնություն եւ թե՛ որպես սրբավայր եւ ուխտավայր, որի բարեխոսությանն ու օգնականությանն է մշտապես ապավինել Կարինի բնակչությունը. «Ո՛վ Միաբան Ս. Աստուածածին, պարծանք քրիստոնէից եւ վահան քահանայից, զի դու հիմնարկեալ ես եւ օծեալ ի սրբոց վարդապետացն մերոց Դաւթայ, որ Անյաղթն է կոչեցեալ եւ Մովսէսի Քերթովին, զի դու մօր գոյթ ունիս, որ միշտ բարեխօս ես քրիստոնէից, լեր բարեխօս քառասպեալ ազգիս Նայոց Արզրումայ քաղաքիս, ամէն»³:

Եկեղեցին կառուցված է եղել սրբապաշտ մոխրագույն քարերով: Նիւնադրության իսկ օրից եկեղեցին եղել է սրբավայր եւ ծառայել է ինչպես եկեղեցական պաշտամունքների,

1 Վ. Ա. Նակորյան, Մանր ժամանակագրություններ, XIII-XVIII դդ., հ. Բ, Երևան, 1956 (այսուհետ՝ Վ. Ա. Նակորյան, հ. Բ), էջ 567:
2 Յ. Կարնեցի, Տեղագիր վերին Նայոց, հրապարակեց Կ. Կոստանեանց, Վաղարշապատ, 1903, էջ 60-61:
3 Յ. Կարնեցի, էջ 60:

այնպես էլ գիտական ու կրոնական ուսումնասիրությունների համար: Օրմանյան պարբերաբլը նշում է, որ Եզր Ա Փառաժնակերպցի (630-641թթ.) Կաթողիկոսի օրոք Նայոց եւ Նունաց եկեղեցիների միության համար գումարված ժողովը քեղի է ունեցել այս քաճարում. «Ներակլ ուրախութեամբ լեցուն հրամայեց հանդիսատր եկեղեցական արարողութիւն կապարել Կարնոյ եկեղեցոյն մէջ, եւ պապարագին մէջ Յոյներ եւ Նայեր, Ներակլ ու Եզր, միասին հաղորդութեան, եւ այս կերպով գլուխ ելաւ Ներակլի խորհած եւ ճարպար միջոցներով յաջողցում միաբանութիւնը»⁴: Տեղի ունեցած այս ժողովի համար էլ եկեղեցին սքացել է Միաբան Սուրբ Ասրվաճաճին անունը:

Թեպետ Նակոբ Կարնեցին եկեղեցու հիմնադրումը վերագրում է Մովսես եւ Դավիթ վարդապետներին, այնուամենայնիվ քաճարի հիմնադրման իրական թվականի մասին հավաստի փաստեր կամ ավանդաբար մեզ հասած քեղեկություններ չեն պահպանվել: Տեղական ավանդությունների համաձայն քաճարի կառուցումը վերագրվում է VI-VII դդ., իսկ Դազար Չարըզի կարծիքով այն կառուցվել է 600 թ. մոք ընկած ժամանակաշրջանում⁵:

Կարնեցու վկայությամբ Միաբան Սուրբ Ասրվաճաճի քաճարը եղել է հռչակավոր վանք, որքեղ չեն լռել մշտապաշտոն կապարվող սաղմոսերգությունը, առ Ասրվաճաճ քարճարացող աղոթքները, ասրվաճաճահաճ պապարագներն ու ժամերգությունները: Իր ժամանակաշրջանի հոգեւոր ու մքավոր կյանքի նկարագրությունը խոսում է եկեղեցու իրապես հռչակավոր լինելու մասին. «... եւ եմք քահանայք Լ (30) կամ Խ (40), եղքայք սիրով առ յիրարս եղեալ, ամենեքեան գրագիրք եւ ծաղկարարք, հմուքք ի ժամերգութեանն եւ ճարպասանք, քեղեակ Նին եւ Նոր Կրակարանաց, զի ամենայն օր ԸԾ (150) Սաղմոսացն վըճարի անխափան, ժամ եւ պաշտոն պապարագ մաքչի, սարկաագունք քագունք փափգաճայնք եւ երգողք գոյնգգոյն եղանակք երաժշտական երգոց եւ քումարական արհեստից քեղիակք, պարկեշտ գնացիք եւ քաղաքավարութեամբ ի լի, զոր քեր Ասքումաճ հասքաքուն եւ անդրդվելի պահեցել անարաք սրբութեամբ. ամէն»⁶:

Յավոք, այդ մարմնացած հայոց պաքմությունն ու սրբությունը, որ դիմակայել է հազարավոր քարիների ավերին ու փորճությանը, կանգուն մնաց մինչեւ 1915թ.: Նայ ժողովրդի նկարմամբ գորճած ցեղասպանության իր մոլոցքի մեջ թուրքը չխնայեց նրա նվիրականության եւ սրբության, ինչպես նաեւ հնագիտական ու պաքմական արժեքները: Բացառություն չեր նաեւ Միաբան Սուրբ Ասրվաճաճի քաճարը:

Բ) ԽԱՉԿԱՎԱՆՔ

Կարին քաղաքից դեպի հյուսիս՝ Խաչկավանք գյուղի մեջ, վեր է խոյանում համանուն Խաչկա կամ Սուրբ Խաչի վանքը: Ուսումնասիրողների կարծիքով նախապես կառուցվել է Խաչկավանքը եւ հեքո միայն նրա շրջակայքում ճեւավորվել համանուն գյուղը⁷:

4 Մաղաքիա արք.Օրմանյան, Ազգապաքում, հ. Ա., Մայր Աթոռ Սուրբ Էջմիաճին, 2001:

5 Անդ, էջ 78:

6 Վ. Ա. Նակոբյան, հ. Բ., էջ 567-568:

7 Մ. Միքայիլեան, Նկարագրական ուղեքութիւն ի հայքնակ գաւառս Արեւելեան Տաճկասքանի, հ. Գ., Կ. Պոլիս, 1885, էջ 175-177, Ն. Ս. Էփրիկեան, Պարկերագարդ բնաշխարհիկ բառարան, հ. Ա., Վենեքիկ, 1903-1905 (այսուհեք Ն. Ս. Էփրիկեան հ. Ա.), էջ 148, Յակոբ ծ. վ. Քոսեան, Բարճր Նայք, Կարնոյ Գիւղերը, Վիեննա, 1926

Ինչպես Կարինի մյուս վանքերը, Խաչկավանքը եւս պարսպապատ էր: Պարսպի կամ գլխավոր մուտքի ճակարին արձանագրված է. «Ողորմութեամբն եւ օգնականութեամբ... աշխատութեամբ եւ ջանիւ Էրզրումցի Գալայեան Սրեփան վարդապետին առաջնորդին սրբոյ Խաչկավանիցս շրջապատ պարիսպն ի հիմանէ... շինեցաւ... ՌՄԼԷ (1788)»⁸: Վանքի պարիսպը հիմնովին վերակառուցվել է: Վանքում, բացի Խաչկավանքի փաճարից, որեւէ այլ հնություն չի պահպանվել:

Տաճարն ունի 8 մետր երկարություն եւ 5.30 մետր լայնություն: Կառուցված է հասարակ ամուր քարերով: Արեւելյան պատին կան մի քանի բարձրադիր պատուհաններ: Այն ունի բավականին բարձր բեմ (խորան), ինչպես նաեւ աջակողմյան եւ ձախակողմյան ավանդապներ: Այն ներքուստ բավականին պարզ է. որմերի վրա ուշադրության արժանի որեւէ քանդակ չկա եւ այս պարզությունն էլ խոսում է եկեղեցու հնության մասին⁹:

Խաչկավանքի քարերից մեկի վրա արձանագրված է. «Ի թուին ՌՄԼԷ (1239) կանգնեցաւ խաչս ի յիշատակ Կէր Թորոսու Դերջանայ եպիսկոպոսի»¹⁰, իսկ փաճարի հարավային կողմում գտնվում է Երուսաղեմի նվիրակ Մարտիրոս Ադրիանուպոլսեցի եպիսկոպոսի արձանագրությունն ունեցող դամբարանը: Նա 1762 թ. վախճանվել եւ թաղվել է Խաչկավանքում¹¹:

Ավանդությունն այս վանքի անունը կապում է այնպեղ զետեղված Սուրբ Խաչի մասունքի հետ, սակայն Ն. Ոսկյանի կարծիքով վերոհիշյալ ավանդությունը չունի պարամական հիմք: Ըստ նրա այդ պարագային վանքը պիտի կոչվեր Սուրբ Խաչ կամ Սուրբ Նշան անունով: Նա նաեւ ենթադրում է, որ վանքը «Խաչկավանք» անունն է ստացել սրբակյաց Խաչիկ ճգնավորի անունից, որի անունով մեկ այլ վանք կա Բարձ Նայքում¹²: Սակայն Կարինի առաջնորդարանի մեջ գտնված Խաչկավանքի պատմությունը եւ կոնդակը հաղորդում են, թե Ներակլ կայսրն իր զինվորներին կերակրող բարեպաշտ մի կնոջ սուրբ խաչի մասունք է նվիրում, վերջինս էլ մի վանք է կառուցում եւ այնպեղ ամփոփում սուրբ մասունքը¹³:

Խաչկավանքի հիմնադրման թվականի մասին չափազանց հեղափոխական են Ն. Քոսյանի անձնական ուսումնասիրությունները: Վերջինս նշում է, թե մի քանի անգամ Խաչկավանք է այցելել եւ փորձել փաճարի հիմնարկության վերաբերյալ որեւէ արձանագրությ-

(այսուհետ՝ **Քոսեան**, Բարձր Նայք, Կարնոյ Գիւղերը, էջ 40:

8 **Ն. Նամագասպ Ոսկեան**, Բարձր Նայքի վանքերը, Վիեննա, 1951 (այսուհետ՝ Բարձր Նայքի վանքերը), էջ 118:

9 **Ն. Քոսեան**, Բարձր Նայք, Կարնոյ Գիւղերը, էջ 45:

10 **Անդ**, էջ 41:

11 **Ն. Քոսեան**, Բարձր Նայք, Կարնոյ Գիւղերը, էջ 42-43:

12 Բարձր Նայքի վանքերը, էջ 120-121, նաեւ **Ն. Նամագասպ Ոսկեան**, Կարին ու Կարնեցին եւ Կարնոյ վանքերը, Վիեննա, 1950 (այսուհետ՝ Կարին ու Կարնեցին), էջ 46:

13 Խաչկավանքի պատմությունը եւ կոնդակը մինչեւ Տ.Ղեւոնդ քահանա Մարգարյանի վանահայրության ժամանակները պահվելիս են եղել քաղաքի առաջնորդարանում: Ն. Նակոբ ծ. վ. Քոսյանը գրում է, որ 1912թ. Սմբատ եպիսկոպոս Ասապրյանն առաջնորդարանի դիվանապանը իրեն ցույց է տվել Խաչկավանքի պատմության ձեռագիրը: Սակայն ձեռագիրը հեղափոխում անհայտնում է, եւ միայն որոշ ժամանակ անց Ն. Քոսյանը, բավական հեղափոխ լինելով, գտնում է վանքի պատմության վերաբերյալ կոնդակը եւ ինչպես ինքն է գրում՝ «բառ առ բառ օրինակելով» հրապարակում, Տեն **Ն. Քոսեան**, Բարձր Նայք, Կարնոյ Գիւղերը, էջ 51-56: Խաչկավանքի հիմնադրության ավանդությունների մասին փնն նաեւ **Ն. Ոսկյան**, Կարնո վանքերը, էջ 120-121, **նույնի** Կարինն ու Կարնեցին, էջ 48-49 **Ն. Ներսէս Մարգրիսեան**, Տեղագրությունը ի Փոքր եւ ի Մեծ Նայս, Վենետիկ, 1864, էջ 81, **Ինժինեան Ղ.**, էջ 76:

յան գրքերը, սակայն որոնումները որեւէ արդյունք չեն տվել: Շրջակա գյուղերի (Ղարարգ, Օծնի, Գեղախոռ եւ այլն) ծերերը պատմում են, թե իրենք ավանդաբար լսել են, որ փաճարի առաջ ուրիշ շինություն կառուցելու ժամանակ հողի փակից մի կոտորված քար է գտնվել՝ վրան թվակիր մի արձանագրություն: Այնուհետև փարեցներն ավելացնում են, թե գտնված քարի արձանագրությունը փորագրվել է եկեղեցուն կից կառուցված նոր շինության սյուներից մեկի վրա: 1912թ. օգոստոսի 21-ին հայր Նակոբ Քոսյանին հաջողվում է Խաչկավանքի աջակողմյան սյան վերելի մասում ի թիվս այլ արձանագրությունների գտնել նաեւ այս մեկը. «Թուին հայոց ՁԸ(639) փաճարին է»¹⁴: Կարծում ենք, որ սույն արձանագրությունը լույս է սփռում փաճարի հիմնադրման թվականի վրա:

Խաչկավանքի ուխտի օրն է Խաչվերացի փոռը, որ կատարվում է սեպտեմբերի 14-ի մոտակա կիրակի օրը:

Գ) ՄՈՒՏՈՒՐԿՈՒ ՍՈՒՐԲ ԼՈՒՍԱՎՈՐՉԻ ՎԱՆՔԸ

Կարին քաղաքից հյուսիս-արեւելք՝ գեղադիր բլրակի վրա է կանգնած եղել Մուսուրկու Սուրբ Լուսավորիչ վանքը: Այն իր Մուսուրկու անունն ստացել էր արեւմտյան մասի մի հալաբնակ համալուս մեծ գյուղի անվանումից: Ինչպես նշեցինք, վանքը կառուցված էր բարձրադիր բլրակի վրա եւ հրաշալի ու փայլուն լույս էր արձակում: Նայր Նամազասպ Ոսկյանը վանական համալիրի դիրքի մասին գրում է. «Գեղեցիկ է վանքիս դիրքն ու հաճույստը»¹⁵:

Վանքը բավական հին կառույց էր, սակայն դժբախտաբար, չեն հայտնաբերվել հիշատակություններ կամ արձանագրություններ, որպեսզի կարողանանք վանքի կառուցման թվականի եւ պատմության վերաբերյալ դատողություններ անել: Ելնելով այն փաստից, որ Սուրբ Լուսավորչի վանքը քաղաքին շատ մոտ էր կառուցված, Ղազար քահանա Չարըզն իր «Կարինապատմ» մենագրության մեջ եզրակացնում է, թե «վանք չէ ունեցած գիտական ու գրական գործունեության ասպարեզ»¹⁶: Քաղաքի մոտ լինելով՝ վանքը բազմիցս աղետահար է եղել եւ վերանորոգվել: Այն աչքի էր ընկնում իր ընդարձակ շինություններով ու բակերով, որոնք անխոս վկաններն էին երբեմնի հարստության ու կարեւոր կենտրոնի: Վանքը բարձրապարիսպ էր եւ բարձրանիստ¹⁷: Աջակողմյան մասում, Քոսյանի բառերով՝ «քարընկեց մը հեռու», կանգուն մնացած մարդաչափ մեծությամբ մի հին խաչքար է եղել, որի շուրջ՝ քարեր խաչքարերի պատվանդաններ ու քարեր: Ենթադրվում է, որ այդ փեղում անցյալում գերեզմանոց է եղել: 1861թ. վանքի վերաշինության ժամանակ օգտագործվել են դեռեւս պահպանված պատվանդանի խաչքարերը¹⁸:

Վանքն ընդարձակ բակում ունեցել է գեղեցիկ ավազան եւ աղբյուր: Վերջինիս մարմարյա սպիտակ քարի վրա արձանագրված է. «Յիշարակ է բարեհամ աղբյուրս այս Քղեցի Իսահակ վարդապետին եւ հոգետր ծնողին իւրոյ փեռն Յոհաննիսի, թվին ՌՃԳ (1654)»¹⁹:

14 Քոսյան Ն., Բարձր Նայր, Կարնոյ Գիւղերը, էջ 44-45:

15 «Կարին ու Կարնեցին», էջ 142:

16 Ղ. Չարըզ, էջ 89:

17 Ն. Ներսէս Մարգիսեան, էջ 80:

18 Ն. Քոսյան, Բարձր Նայր, Կարնոյ Գիւղերը, էջ 139:

19 Կարին ու Կարնեցին, էջ 139:

Վանքի արեւմտյան մասում մի ապամաժ քար կար, որի վրա կարծես թե ձիու ուրքի եւ պայտի նշաններ են դրոշմված եղել: Ավանդության համաձայն՝ դրանք Սուրբ Սարգիս զորավարի նծույցի հետքերն էին, որի պատճառով էլ քարը կոչվել է Սուրբ Սարգսի անունով²⁰:

Վանքի գլխավոր դռան աջ եւ ձախ կողմերում կառուցված կային կրկնահարկ սենյակներ, որոնց թիվը հասնում էր շուրջ վաթսուհին: Սենյակներն ավելի ուշ ժամանակներում կառուցված շինություններ էին եւ ծառայել են եկեղեցի այցելած ուխտավորների համար: Առաջին հարկի սենյակներից մեկի ճակարին փորագրված էր. «Արդեամբ գահվեճի արիես-պատրազ»²¹: Նշված սենյակներից քիչ թե շար հետաքրքրականը հյուրընկալության կամ վանահորը հապկացված սենյակն էր: Նույնության առումով արժեքավորը 1729-ից մնացած պղնձե սյունն է, որի շուրջը փորագրված են եղել նկարներ՝ հրեշտակ, ծաղիկ, թռչուն, առյուծ, խաչանման զարդեր, ձուկ եւ այլն: Սյան վրա փորագրված էր՝ «Թուին ՌՃՆԸ-ին (1729) առաջնորդության յերեմեայ վարդապետին եւ վայելութեան Յովհաննես վարդապետին, ես անարժան Կեր ՄԷլքոնի որդի Կեր Պաղպասարս եկի սուրբ Լուսավորչի վանքս օրհնուեցայ, զայս սեղանս նկարեցի ու ոք հանդիպիք, յիշեսցիք միով հայր մերաւ եւ դուք յիշեալ լիջիք ի Քրիստոս ամեն: Ի վայելումն Ղազանճի պաշտոյին»²²:

Մուտքուրկու Սուրբ Լուսավորիչ վանական համալիրը բաղկացած էր երեք եկեղեցիներից՝ Սուրբ Լուսավորիչ, Սուրբ Խոր Վիրապ եւ Սուրբ Սարգիս:

Սուրբ Լուսավորիչը շինված էր սրբապաշ քարերով: Այն բավական մեծ էր եւ ուներ խաչաձեւ տեսք: Ներքուստ բավական պարզ էր, իսկ արտաքուստ դռան վերեւում քանդակված երեք խաչերից բացի ուրիշ հնության նշան չի ունեցել:

Եկեղեցու փայտաշեն երկաթապատ դռան վրա գտնված էր պղնձե փոքրիկ պատկեր՝ Սուրբ Լուսավորիչը՝ երկու կողմերում հրեշտակներ: Նիշյալ պատկերի տակ արձանագրված էր. «1861. յիշապակ է դարբին մահպեսի Կարապետին մահպեսի Էրեմին»²³: Եկեղեցում եղել է սուրբ Աստվածածնի եւ Լուսավորչի մեծադիր պատկերով խորան:

Տաճարի աջակողմյան մասում անթվական եւ առանց հիշատակագրության մի շիրիմ է երեսում: Առաջնորդարանի մեջ գտնված ձեռագիր տեղում նշվում է, որ եկեղեցու աջակողմում թաղված է Սահակ Ա կաթողիկոսը (387-439)²⁴:

Սուրբ Լուսավորչի վանքը ծաղկում է ապրել հապկապես Սուրբ Էջմիածնի նվիրակ Սարգիս վարդապետի ժամանակ: Վերջինիս արդյունավոր գործունեության մասին մեզ տեղեկություններ է հաղորդում Նակոբ Կարնեցին. «Ի Թվականիս մերոյ ՌՂԵ (1646), որ եկն Ստանպոլի Սարգիս վարդապետն սուրբ Էջմիածնայ նուիրակ, որ անդ էր վարժեալ եւ ունէր ծայն ահեղ եւ զարմանալի անուշ եւ համեղ, որ եւ հաւանեցոյց զքաղաքս եւ զերկիրս ճարպար քարոզութեամբն իւրով. եւ եպիսկոպոսն Ղազար իւրովի կամօլն հրաժարեցաւ եւ եր ի նայ զվանքն. եւ նա դարձաւ առ կաթողիկոսն Փիլիպպոս եւ էառ հրաման եւ կօն-տակ նստիլ մեծագահ աթոռն Թեոդուպոլիս, եւ եկեալ արար բազում շէնք եւ շինածք ձեռնա-

20 Ն. Քոսեան, Բարձր Նայք, Կարնոյ Գիւղերը, էջ 138:

21 Անդ, էջ 139:

22 Ն. Նամագասայ Ռսկեան, Բարձր Նայքի վանքերը, Վիեննա, 1951, էջ 145:

23 Ն. Քոսեան, Բարձր Նայք, Կարնոյ Գիւղերը, էջ 141:

24 Անդ, էջ 141, տե՛ս նաեւ «Կարին ու Կարնեցին», էջ 145, Մ. Միրախոբեան, էջ 173-177:

պոտությամբ քրիստոնեից եւ վաճառականաց քաղաքիս եւ յոյժ աշխատությամբ եբեր ջուր եւ եհան ի դուռն վանացն աղբյուր...»²⁵:

1859թ. փետի ունեցած աղեպալի երկրաշարժի ժամանակ եկեղեցին խարխւլվում է: Այնուհետեւ 1861թ. հարություն արք. Վեհապետյանի (հեղափոխում Կ. Պոլսի պարիսպը) առաջնորդության ժամանակ ի հիմանց նորոգվում :

Դժբախտաբար 1913թ. հոկտեմբերին եկեղեցին այրվում է: Հ. Քոսյանը նշում է, թե այն այրվել է վառած մոմի պարճառով, որը մոռացել էին մարել²⁶ :

Տաճարի ձախակողմում կար մի մատուռ, որի արեւելյան մասում գրեթե մեկ մետր բարձրությամբ փայտակերպ շրջանակների մեջ առնված երկու պարկերներ են կախված եղել: Առաջին պարկերում է Սուրբ Տիրամորը, երկրորդը՝ Սուրբ Լուսավորիչին: Մատուռի ներքեւի մասում խոր գուր կա, որը կրում է «Խոր Վիրապ» անունը: Այն ունեցել է գրեթե 3 մ. խորություն: Գուրը միաժամանակ փողավորել է մոտ քսան հոգի: Խոր Վիրապի հարավային կողմում պարի մեջ, ուր մի խորշ կար, փողադրված էր մարմարե սպիտակ խաչքար, որի վրա գրված էր. «Տէր Աստուած Յիսուս Քրիստոս, Սուրբ խաչերս բարեխօս առ Աստուած վասն մահպետի Յուսէփին եւ իւր ծնողացն Պողոսին եւ մահպետի Մարիամին թվին ՌՃՀԸ(1729)»²⁷:

Խոր Վիրապի համար ավանդությունը պատմում է, թե Լուսավորչին Արարաշար փանելիս մի քանի օր այստեղ են պահել²⁸:

Վանքի հարավային մասում՝ գլխավոր փաճարից մի փոքր ցած, վայրում կառուցված էր մի փոքրիկ եկեղեցի՝ Սուրբ Սարգիս անունով: Եկեղեցին արարաքին քաղաքից շատ հին էր երեսուն եւ հավանաբար վանքի առաջին եկեղեցին է եղել: Այն նախապես ունեցել է սրբապաշ պատեր, որոնք, ցավոք, ժամանակի ընթացքում մաշվել են: Եկեղեցու արեւելյան պարիսպն արարաքին կողմից քանդակված էին խաչքարեր իսկ ներքին կողմից այն շատ պարզ քանդակներ: Իրենց կառուցվածքով աչքի են ընկել միայն մի քանի հնագույն խաչքարեր, որոնցից հիշատակության արժանի էր հարավային պարիսպի հյուսված խաչքարը, որի վրա եկեղեցու վերանորոգության մասին թվագիր արձանագրություն է պահպանվել. «Նորոգեցաւ փաճարս վերաքին սբ. Սարգիս Զօրավարի. ձեռամբ Խաչապուր վրդապին Կոստանդինիպօլսցոյ եւ առաջնորդ այս սբ ուխտին որ եւ քորն ողորեսցի. թվին ՌՃԿԹ(1720) եւ նորին փոխանորդ Մակար վրդապ. »²⁹: Ավագ Խորանը Սուրբ Աստվածածնի պարկերով էր, որի շուրջը նկարված են եղել փայտեղեկ առաքյալները եւ չորս ավետարանիչները՝ յուրաքանչյուր պարկերի վրա գրված համապատասխան անուններով:

Մուտքուրկու Սուրբ Լուսավորչի այս հիսաքանչ վանքն ունեցել է բազմաթիվ ծխական գրքեր եւ սպասքներ, որոնց մեծ մասի հիշատակարաններն ու արձանագրությունները հրապարակել է Հ. Հակոբ Քոսյանը³⁰:

Վանքի ուխտի օրը եղել է Լուսավորչի փոներին: Դժբախտաբար պիտի նշենք, որ վանքից այսօր մնացել է միայն իր երբեմնի փառավոր անունը:

25 Վ. հարությունյան, հայկական ճարտարապետության պատմություն, Խ. Բ, Երևան, 2002թ., էջ 572-573:

26 Հ. Քոսյան, Բարձր հայք, Կարնոյ Գիտերը, էջ 141:

27 Անդ, էջ 145:

28 Անդ, էջ 146:

29 Հ. Քոսյան, Բարձր հայք, Կարնոյ Գիտերը, էջ 147:

30 Անդ, էջ 138-150:

Դ) ՆԻՆՁՔԻ ԿԱՐՄԻՐ ՎԱՆՔԸ

Կարին քաղաքից արևելք Քառվոր եւ Խաչափայր լեռնաշղթաների ստորոտում գտնվող մի բլրակի հարթ մասում բարձրանում էր Կարմիր վանքը, որը հաճախ հիշատակվում է Նինձքի Կարմիր վանք անունով, որին Ն.Ղուկաս Ինճինճյանը հետեւյալ նկարագրությունն է տալիս. «Ննձուց վանք: Այսպես կոչի ի Նինձք կամ Ննձուց գեղջեն, որ է առընթեր նորա, կոչի եւ Կարմիր վանք, զի ի Կարմիր քարանց էր շինեալ գմբեթաւոր եկեղեցի նորա յանուն Աստուածածնի, որ ի վերջին երկրաշարժութեան անդ առհասարակ քայքայեցաւ. անկանի իբրեւ երեք ժամաւ հեռի յարեւելս Նիսիսոյ Էրզիռումայ, մեծին Ներսէսի շինեալ ասեն զայս եկեղեցի, քանզի ի դարձի իւրում ի Կեսարիոյ յեպ ձեռնադրելոյն, յայսմ վայրի տեսեալ աւանդեն զՏիրամայրն ի հանդերձս կարմրափայլս. եւ ի յիշատակ այնր տեսեալ շինեալ եկեղեցի եւ մենաստան յանուն Աստուածածնի. իսկ զգմբեթն համակ ի կարմիր քարանց մերձակայ լերին ի խորհուրդ կարմրեալագ զգեստուցն»³¹:

Վանքի անվան ծագման եւ հիմնադրման վերաբերյալ գեղեցիկ ավանդություն է պահպանել նաեւ Նակոբ Կարնեցին. «Եւ ի միւս վանքն է Ննձուց Կարմիր վանքն, որոց եւ յիշատակէ Մօսէս Խորենացին. զոր եւ հիմնարկեալ է մեծին Ներսէսէ կաթողիկոսէ...: Եւ իջեալ անտի սուրբ հայրապետն հանդերձ իշխանօք եւ զօրօքն ամենայն գնացեալ հասին ի Քերսոն քաղաք անուանեալն եւ ի գիւղն Նինձք, դէպ յարեւելս կոյս ի բարձր տեղոց բնակեալ օթեցան...: Եւ ի գիշերին, յորում օթեալ էր, ետես զարմանալի տեսիլ յայտնապէս, զի ամենամաքուր սուրբ Աստուածածինն ունելով ի գիրկս իւր զորդին միածին բազմութեամբ հրեշտակօք իջեալ եւ զգեցեալ էր ծիրանագգեստ կարմրափայլս...: Եւ ընդ լուսանալ առաւօտուն հրամայեաց զօրացն ամենից քարինս բերել եւ Էարկ հիմն եկեղեցոյ ի նոյն վիմին, յորում իջեալ էր ամենօրինեալ սուրբ Աստուածածինն...եւ օծեաց զքարինս Դ (4) եւ կացեալ աւուրս ինչ ի շինումն սուրբ տաճարին, որ եւ հիմնարկեալ հասոյց աւարտ կամարակապ եւ գմբեթաւոր, կարմրափայլ քարամբք զԿաթողիկէն, զարդարեաց ի նմանութիւն հանդերձ ի սուրբ կուսին, որ ի հեռուստ իբրեւ զշափիւղայ փայլէ»³²: Նամագաստ Ոսկյանը վանքի «Կարմիր» անվան հետ կապված գրում է, թե իրականում այդ անունն էր կրում, որովհետեւ վանքի գմբեթը կարմիր քարերով էր շինված³³:

Վանքը շրջապատված էր բավական բարձր պարիսպներով, որոնք երեք դուռ ունեին: Գլխավոր հարավային մուտքի ճակարկին արձանագրված էր. «Այս պարիսպն Առաքել վարդապետին յիշատակն է»³⁴ :

Վանքն ուներ մեծ թվով սենյակներ՝ նախապետաված միաբանների եւ ուխտավորների համար, որոնք իրենց ճոխությամբ աչքի չեն ընկել: Ընդհանուր առմամբ այսպես է գնահատել Ն. Սարգիսյանը. «Բայց բացի յեկեղեցոյդ այլ ամենայն շինուածքն անշուք են եւ ողորմելի»³⁵:

31 Ղ. Ինճինճյան, էջ 75-76, տես նաեւ Ն. Ս. Էփրիկեան, հ. Բ., էջ 330:

32 Վ. Ա. Նակոբյան, հ. Բ., էջ 573-575, տես նաեւ Մ. Միրախոբյան, էջ 174-175:

33 Կարին ու Կարնեցին, էջ 126:

34 Անդ, էջ 126:

35 Ն. Ներսէս Մարգիսեան, էջ 80:

Եկեղեցին ամբողջապես կառուցված էր սրբապաշ քարերով: Տաճարի աջակողմյան եւ ձախակողմյան պատերի մեջ եղել են երկու մարմարե սպիտակ քարեր, որոնք ունեցել են երկու արձանագրություն: Աջակողմյան քարի վրա փորագրված՝

«Նազար երկերիս ԺԹ(1770) Յիսուս թիւ լեալ
վասն մեղաց գեպինն շարժեալ
Սուրբ վանքս բոլորովիմբ փլեալ
Յակոբ արհին զպարիսպն շինեալ
ոմն Մովսէս ցասմամբ դուգանեալ
ոյր վասն դուռն ի վեր շարեալ
նորից շար ժամանակ ամայեացեալ
Ղեւոնդ պեպն ի Պօլսոյ հրաման քերեալ
զդուռն բացեալ շինումն արկեալ
այլ եւ զինչ ինչ քեղիս շինեալ
բայց քաճարս այնպէս մնացեալ
շարժէն երեսուն ամ անցեալ»³⁶:

Իսկ ձախակողմյան քարի վրա հետեւյալ արձանագրությունը՝
«ՌՄԽԹ(1800) Քրիստոս Նոկր. ԻԷ(27)
մայրն Աստուծոյ արդ գթացեալ
հրաման շինման իսկ յաջադեալ
քրօք ազգիս Նայոց օգնեալ
սուրբ քաճարս շքեղ շինեալ
գմբեթայարկ կարմրագարդեալ
աւուր օծմանն լուսափայլեալ
դեպն Մկրտիչ պեպն աշխատեալ
երկու բարեսերք թիկունս հասեալ
մոմճի Կարապետն արիացեալ
դասապ Յակոբի ջանասիրեալ
այլ եւ զդուռն յիշատակ իւրեանց սպացեալ
բոլոր խարճիւքն որ պարշաճեալ»³⁷:

Տաճարն ուներ բավական ամուր, երկաթապատ դուռ: Դռնից ներս մտնելով՝ անմիջապէս աչքի էր զարնում քարաշէն բարձրադիր խորանը, որը վերեւ բարձրանալու համար երկու կողմերից աստիճաններ է ունեցել: Եկեղեցին նվիրված էր Սուրբ Աստվածածնին: Տաճարի ներսն աչքի էր ընկնում բազմաթիվ արձանագրություններով, որոնք դժբախտաբար զուրկ էին պատմական բովանդակություն պարունակող որեւէ փաստից³⁸:

36 Ն. Քօսեան, Բարձր Նայք, Կարնոյ Գիւղերը, էջ 108:

37 Անդ, էջ 108-109:

38 Անդ, էջ 110-113:

Վանքը բավական հին կառույց էր, որի մասին Ն. Էփրիկյանը գրում է. «Տաճարին հին ու բիզանդական ոճով հասարակիմն ու ամրակուռ շենքը ցույց կու տայ, թե հազարաւոր քաղաքներ կրցած է դիմադրել հոսանուր ժամանակի աւերմանց եւ անվնաս գալ հասնիլ մինչեւ մեր օրերն»³⁹: Ավանդության համաձայն՝ վանքի հիմնադիրը Ներսես Մեծ հայրապետն է, իսկ առաջին վանահայրը՝ Խադ վարդապետը⁴⁰: Մինչդեռ Ն. Նամազասպ Ոսկյան կարծիքով վանքը հիմնադրվել է X դարում՝ Սարգիս վարդապետի ջանքերով⁴¹:

Էփրիկյանը գրում է, թե ըստ ավանդության՝ հայ գրականության Ոսկե դարում Մովսես Խորենացին եւ իր ընկերները՝ թարգմանիչ հայերը, Աթենքից եւ Ալեքսանդրիայից վերադառնալիս նախ բավական երկար ժամանակ օթեւանել են այս վանքում եւ մի շարք իմաստասիրական ու աստվածաբանական ճառեր գրել: Հինձքի Կարմիր վանքում են ուսանել ու զարգացել մեկեղեցու ամենանշանավոր մարտնչություններից ու վարդապետներից Գրիգոր Վկայասերը, Գրիգոր Մագիստրոսը, Նովիան Օձնեցին (վերը նշված Օձնի գյուղից), Անանիա Շիրակացին, Խոսրով Անձեւացին, Գրիգոր Նարեկացին, Արիստակես Լաստիվերտցին եւ շար ուրիշ նշանավոր վարդապետներ ու եպիսկոպոսներ: Այնուամենայնիվ Ն. Ոսկյանը նշում է, թե վերջիններիս վերաբերյալ «չունինք ամենեւին հաստատու ապացույց ընդունելու որ հոն զարգացած ըլլան»⁴²: «Սակայն, - ավելացնում է Ն. Ոսկյանը, - այն իրողությունն է, որ Կարմիր վանքը իր հիմնարկության առաջին շրջաններուն կունենայ ծաղկալից, ծաղկաւեր կյանք մը եւ ասպ քաղաքական աննպաստ, բայց ազդեցիկ պարագաներու տակ կանշտանայ, սակայն ետքէն նորէն կը վերակենդանանայ, բայց առաջին վիճակին երբեք չի բարձրանար»⁴³: Հինձքի Կարմիր վանքը մարդաշատ էր լինում հապկապետ սուրբ Աստվածածնի տոներին:

Նայ մարտնչության մեջ «Կարմիր վանք» անունով բազմաթիվ հիշատակարաններ են մեզ հասել, սակայն նրանցից շատերը պարկանում են համաձայն ուրիշ վանքերի: Հինձքի Կարմիր վանքին ստուգապես վերաբերող հիշատակարաններ հրապարակել է Ն. Նամազասպ Ոսկյանը⁴⁴:

Ն.Քոսյանը կազմել է Հինձքի Կարմիր վանքի վերջին շրջանների վանահայրերի գավազանագիրքը՝ 930 - 1899 թթ.⁴⁵:

Յով ի սիրտ պետք է նշել՝ ինչքան որ փառահեղ է եղել Հինձքի Կարմիր վանքի անցյալը, նույնքան սրտակեղեք է ներկայիս վիճակը: Երբեմնի կանգուն այս վանքն իբրեւ այդպիսին այլեւս գոյություն չունի:

39 Ն. Ս. Էփրիկյան, Ն. Բ, էջ 330:

40 «Բազմավեպ», (1907), էջ 473-474:

41 «Կարին ու Կարնեցին», էջ 132:

42 Անդ, էջ 132:

43 Անդ, էջ 133:

44 Անդ, էջ 133:

45 Ն. Քոսեան, Բարձր Նայք, Կարնոյ Գիւղերը, էջ 117-118: